

Poldi Tesalonaikahidok pepa timen youyemguk Yodakale Mede

Pepa yon adi Poldi Tesalonaikahi kayonbopdok mede timen youyemguk. Tesalonaika adi Masedoniya kwet dinin yokwet wapum nin. Ala Pol adi Filipai kwetnen hatiguk u binu bunu Mede Momoon yohauta kwanai unonbo tububihila tuguk. Tubune metam feedi wele tubutakale tinu Kilisto'wala gawanbop mintaune Judahidi nadiune tuwot mu tubune kwanainindok mik timingin. Undun tubune Pol adi Tesalonaika kwet bikabunu Beleade woon dapmaan Kolindeguk. Unon woon hatilune mindankade Timotidi woon gawanbop Tesalonaika unon dedin hatigin dinin kahat timinguk. Kan Poldi kahat u nadinu Tesalonaikahi gawanbop hatiginindok yeninikiliti mede timen timen inakon youyemguk. Tinu undugon yeniutumba mede maan youyemunguk, tinu undugon adi'wala Jesu bubunnin dinin nai en kougou hatigene kumunu pilali kunumkwet kahilekahile dinin yonadibedi hayemguk wendok maan youla yenindakaleguk.

Youtumba Mede

¹ Pol, Sailas tinu Timoti indi Ban Bepan en Wapum Jesu Kilisto'wala metam Tesalonaika yokwet dinin kayonbop hatiin, hiditok pepa i youhamam.

Bepañ'walañ siloñ tobogoñ eñ kulemadi hidigut haliwoon halaak.

² Indi helemahelman hidi nadisuhamuñ Bepañ niutumbayam. Tiña undugoñ Bepañ ninadiyamneñ u hiditok maan ninadiyam.

³ Hidi nadisukilitihik dinin foloon mingilangoñ tubumintain wonñ adi welehiyadi me noli yabukahilekahile u fafañe tiña tiin eñ Wapumnik Jesu Kilistodok nadikunakunale tiñila malabumuñ ginen fafañengoñ hinek gigne tiña yakiin, wendoktiña Betnik Bepañ namanda foloñ wendok nadisuñ tomboyoutnit yobihila niyam.

Bepañ'walañ Mede Momoon Tesalonaikahi yenihautagin

⁴ Notniye, Bepañ adi welenñdi hinek habukahileen agañ netok gigit hehitubudakaleguk uyadi indi agañ nadiyam. ⁵ Unduñ doktiña Jesu'walañ Mede Momoon u hidi'walañkade tiña bugumun, kañ kaune mede fiit nabugoñ mu tuguk. Mokoñ. Adi sañiniñnit eñ Uñgoñ Munabulinit mintaguk, kañ hidi indi'walañ nadisukilitinik sañiniñnit u agañ kadakale hinek tigin. Doktiña indi hidi'walañ lekingoñhik ginen hatinila hidi hehitubu-lodadok yonñ titin tugumun u hide-ku agañ nadiin.

Mede Momoon u foloonnit tuguk

⁶ Hidi Bepañ'walañ mede nadidahi tigin, kañ malabumuñ fee hinek mintahamguk, ingoñ hidi yadi indi'walañ eñ Wapum'walañ titin takaligin. Kañ Uñgoñ Munabulidi welehi tubulodaune nadifo tubumintagin. ⁷ Unduñ tiña Masedoniya tiña Akaia kwet wapumneñ

metam hogohogok Jesu nadisukilitimiin heki titin momoon u yeniyehitubu-didimegin. ⁸ Wapum'walaŋ mede adi hidi'walaŋkade mintahautaan woon Masedoniya tin̄a Akaia kwet wapumnen mintaguk. Tin̄a u hogok mon. Hidi Bepaŋ nadisukilitimigin dinin gigit u yokwet indigon tuwot nadidapmagin, kaŋ indi yeniyenin̄dok talik nemu mintaguk. ⁹ Indi hidi'walaŋkade bugumun kaŋ nai un̄anin maŋon mintaguk wondinin kahat adi nehi agaŋ niniin. Tin̄a hidi bepaŋ yalayalaŋ sigilulum tiyemiŋa welehi tubutakaleen Bepaŋ biyagon hatihatinit'walaŋkade woon kadiŋa adi'walaŋ tipilapilaye-metam mintagin, ¹⁰ tin̄a mihinin Jesu kumun ginenin tubupilakuk, adi hatigene kunum ginenin foon kadakanin̄dok kibikon wobuwobu nai folon nihitubu-lodaune Bepaŋ kwihitanin̄di mu nihitubu-kadakawaak. Hidi aditok woom hatiin, wendinin kahathik adi yokwet indigon tuwot yoin.

2

Pol adi Bepaŋ ne hogokdi kwanainin kaune utumbadok yoguk

¹ Notniye, indi hidi'walaŋ lekingon̄hik ginen buŋa kwanai tugumun kaŋ foloon mokit mu mintaguk, won adi hide-ku agaŋ nadiin. ² Koom Filipai yokwetnen nindihin̄a nihitubu-meka tigin u maan agaŋ nadiin. Undun tinimgin in̄gon indi fiit gweheye mu tugumun. Mokon. Indi

Bepañ'walañkade unene adi welenik tubukiliti-bune metam mik tinimginj adi'walañ naman-dahik folonj fafañe tiña gagineen yali Bepañ'walañ Mede Momoonj u hidi hanihautagumun. ³ Indi Jesu nadisuminenj yonja hanihehimanegumun, nai unjaninj indi mede yalañ mu yogumun, be indi muneen bombonjok nadiña mu halamukumun. Mokonj. ⁴ Koom Bepañdi nibune tuwot tubune Mede Momoonj u yotubuhautadok kwanai nimguk. Undunj doktiña indi metamdi kwanainik u kaune utumbawekdok yonja mede mu yohautayam. Mokonj. Adi Bepañdi welenik maanen kanadi tilak, undunj doktiña indi yadi negonj kwanainik u kanadiune utumbawekdok nadiyam. ⁵ Hide-ku aganj nadinimiinj, indi yohohoket mede nemu haniñgumun be gigitmede ginenj yogaligalike tiña muneen bombonjok siloda nemu tugumun, u Bepañdi maanj nehiulihune yolat. ⁶ Kilisto'walañ aposelnije inditok nadinimbune loune utumbawek, u aganj nadiyam injonj fiit hidibe, be metam noli hiditok me bombongi tihamdok mu yogumun. ⁷ Mokonj, indi adi tam ninji wapmihiniye nomyout tiyemiña yabudokolak undunj hidigut kulemanjonj hatinila undugonj tihamgumun. ⁸ Hidi adi indi'walañ notniye hinek mintaune indi welenikdi habukahile hinek tugumun, wendoktiña indi Bepañ'walañ Mede Momoonj u haniñdok nadigumun. Tiña undugonj u hogok monj, hidi hehitubu-lodadok tiña hatihatini bikabudok maanj loda tugumun.

Pol adi Tesalonaika kayonbop'walañ behik nati

tuguk

⁹ Notniye, indi hidigut hatiŋila kwanaimiŋ tiŋa Bepaŋ'walaŋ Mede Momoon yohautagumun u agaŋ nadiiŋ. Indi nanaŋe nimteidok tiŋa malabumun hamneemnen yonŋ fafaŋe tiŋa hadapmo be timiŋ kwanai fafaŋe tiŋa tugumun. ¹⁰ Indi adi titiŋ didimeniŋ tiŋale yomnit mokit, uŋgoniŋ hatiŋa metam Jesu nadisukilitimiŋ hiditok titiŋ dediniŋgoŋ tihamgumun u adi hide-ku agaŋ nadiiŋ, kaŋ Bepaŋdi maan undugoŋ agaŋ nadi-lak. ¹¹ Hide-ku molomolom a nadiiŋ, indi baŋ niŋdi wapmihiniyedok tiyemilak titiŋ wendok tuwot hinek hiditok tihamgumun. Unduŋ tihamuŋa nadinadihik molomolom tubukaikaan welehik tubukilitigumun. ¹² Tiŋa titiŋ u Bepaŋ ne'walaŋ titiŋniŋ hinek uŋak takalidok hanihau-tagumun, woŋ adi Bepaŋ negoŋ iitiŋiŋ hauta fil-impipitnit u kahileen ne'walaŋ heben ginen hati-hati gitipmun hataknen uŋoŋ hatidok habukahileguk, doktiŋa unduŋ tiyam.

Tesalonaikahi adi Mede Momoon nadiŋa boi hatigiŋ doktiŋa folofigita nadigiŋ

¹³ Indi Bepaŋ'walaŋ medeniŋ hanine nadiune me mede mu tuguk. U Bepaŋ ne'walaŋ medeniŋ hinek unduŋ adi kedem hinek nadigiŋ. Adi yadi Mede Momoon nadisukiliti tiŋ hidi'walaŋkade kwanai tilak. Wendoktiŋa indi Bepaŋ helema-heleman hati niutumbayam. ¹⁴ Notniye, hidi adi Bepaŋ'walaŋ kayoŋbop Judiya maanen Jesu Kilisto gut wooŋ galigiŋ aditok tuwolit hinek tigiŋ. Adi Judame hekidi widihiŋa folofigita

yemgin, undugon hidi maan nohiyedi fidihiņa folofigita hamgin. ¹⁵ Judahi adi Wapum Jesu tiņa polofet heki widihikumungin, en indi maan nindihina nihikele tigin. Adi yadi Bepanđi titin tinenđok nadilak u sigilulum tiņa metam hogohogok memik tiyemiin. ¹⁶ Tiņa undugon metam Judahi'walaņ feknit mokit Mede Momoon u yenine nadiņa kedebautumba tineeneņ yonā kamehep tinimiin. Unduņ tiņa kadakanin helemahelman tubune maningon tokiune Bepan'walaņ welen kudup daune kibikonhik tuwolit hinek mongotdok yodapmaguk.

Poldi Tesalonaikahi kotigon woon yabudok welen yout tuguk

¹⁷ Notniye, Judahidi tubune nai muninin-kabe hinek i bihabam, tiņa baņdi wapmihinije kweetnin halune nadilak unduņ nadihamam. Namanđahik adi mu habam, ingon welenikdi hidigut hatak. Indi yadi habudok hinek nadiyam, unduņ doktiņa kotigon bubuņdok fafaņe tiņa talik lohiyam. ¹⁸ Indi hidi'walaņkade bubuņdok nadiyam, kaņ Pol nu maan nai fee hinek talik kameka tugut. Ingon Sadaņdi kamehenamtabuguk.

¹⁹ Wapumnik Jesu baakneņ indi maņgandi nihitubu-lodaune nadifo tiņa fafaņeen namanda gineņ yatneem? Be indi maņgon monkola woon kwanainik momoon tam inak nine kawaak? Indi adi hiditok-ku tiņa nadifo tineem on. ²⁰ Biyagon hinek, hidigon wotniniyegigit yotiloin tiņa undugon welenadifonik.

3

Poldi Tesalonaikahidok nadibedi tija Timoti ninikulune uguk

¹ Indi hiditok tija nadinadi ungon hati tugumun, tija nai kweheyingon hatidok u nadinene tuwot mu tuguk. Undun doktija indi Atens ungon halija ² Timoti kamenene hidi'walaŋkade uundok mede yofolok tugumun. Adi yadi indi'walaŋ notnik en Bepaŋ'walaŋ kwanai-me hatiŋila Kilisto'walaŋ Mede Momoon yolakdi hidi'walaŋkade woon hehitubu-kilitija nadisukilitihik tubulodadok ningmun. ³ Tiyaugene hidi malabumun en folofigita ginen hatiŋa gweheyleneen yona undun tihamgumun. Hidi hide-ku agaŋ nadiin, Mede Momoon adi kulemaŋgon hatiŋa nadidok mu niningin. ⁴ Indi koom hidigut hatiŋila mede indin haningmun, "Malabumun mebimebi indi folon lowaak." Kaŋ mede wendi biyagon undugon mintaguk u agaŋ nadiin. ⁵ Kaŋ tikamanda medi hanihohoket tubune gweheyeune kwanainikdi filaakneŋ, doktija hatibene nai-kabe mu kweheyelune Timoti kamewe nadisukilitihik kanadi tibek yona uguk.

⁶ Ala Timoti adi bihabuna udaneen buna nadisukilitihik en me noli yabukahilekahile dinin gigithik momoon u nininguk. Hidi inditok nadiŋa welemomoon nadinimiin. Tija indi hidi habudok yoyane tobonin hidi maan undugon indi nibudok yoin, mede u maan agaŋ ninindapmaguk. ⁷ Notniye, indi malabumun mebimebi maaneŋ hatiyanene hidi nadisukiliti ginen fafaŋe

tiŋa yaŋi unduŋ u nadinene welenik tubukiliti-lak.

Poldi Tesalonaikahi fafaŋeŋ yomnit mokit hatidok yeninguk

⁸ Hidi fafaŋe tiŋa Wapum'walaŋkade hatiin, indi u nadiŋa welenik kulemaune welemomoon nadihamam. ⁹ Indi hiditok nadiŋa Bepaŋnik namanda foloŋ nadifo lolonŋit hinek tiyam. Tiŋa indiŋ nadiyam, indi Bepaŋ niutumba tiyam wendi Bepaŋ'walaŋ nadifo indi'walaŋkade bulak wendok tuwolit mokoŋ. ¹⁰ Bepaŋdi nai nenobuniŋ nadinimbune hidi'walaŋkade wooŋ kikakika tiŋa kwanainik tomboyoula tiŋale nadisukilitihik tubukwambundaneem yonŋa helebufa indigoŋ tuwot ninadi kwanai tiyam. ¹¹ Betnik Bepaŋ eŋ Wapumnik Jesu adi kedem talik neeŋ tubumintanimbune hidi'walaŋkade uneem. ¹² Hidi'walaŋkade adi Wapumdi me noli yabukahilekahile titiŋhik u tububediambune hidi hide uŋgoŋ be metam noli gut welesiloŋ taneen. Indi maan hiditok undugoŋ tihamam. ¹³ Titiŋ unduŋ tubune Bepaŋdi welehik kedem tubufafaŋehambaak, ala Wapumnik Jesu adi metamjiye uŋgoŋiŋ hogohogok adigut kotigoŋ baakneŋ nai uŋaniŋ habune uŋgoŋiŋ tineen. Hidi adi Betnik Bepaŋ namanda foloŋ yomhinit mokit eŋ didimehi yatneen. U biyagoŋ.

4

Bepaŋ'walaŋ namanda gineŋ didimeniŋ hatidok

¹ Notniye, Wapum Jesu doktiņa hanihehitubu-kiliti tiņila noli indin hanine nadinen: Mede Momoon folon hatihati en titinhik u Bepandi kan nadiune utumbadok hanihehitubu-didimegumun ginen ungon hatiyaneen. Mede Momoon folon hatihati u kedem hatiin, ala titin u gigne tiņa keleen hatidok wendok haniyam. ² Wapum Jesu wou folon mede hogohogok hanindidimegumun u hide-ku agan nadiin. ³ Bepan'wala nadinadin adi indin: Hidi hatihatihik hogohogok u adi'walaņkade kameune uune ungonin hatidok. Undun tiņa kefile talik mebimebi haliwiin u kedem yalakpmeneen. ⁴ Hidi adi welehi ginen molomolom nadigalika tiņa nadinadi hogohi pilatak uyadi momoongon hinek yabudakaleen sigilulum tiyemaneen. Undun tiņa Bepandi titin denak titindok nadilak, titin walanin en kedem unak taneen.

⁵ Tiyaugene nadigalika be nadinadi hogohi wendi hehimaneune hatifile mebimebi tiyauneenen ala. Undun adi metam kaulehi Bepan mu nadimiin hekidi tiin. ⁶ Nebek ninji kamehep u lahula me nohiye yalamula tamhiye dut titin undihi u mu tiyaneen. Indi wendegon mede fafaņ koom indin haningumun, "Wapumdi me hogohogok nediyeņdi titin undihi tineen aditok adi kibikon malabumun wobuyembaak." ⁷ Bepan adi titin hogohi gengenhit u yehikelenim mu yonā ninigikuk. Mokon hinek. Adi yadi hatihatini u ne'walaņkade kamedapmaņ titin ungonin u takalidok yonā ninigikuk. ⁸ Undun doktiņa me

nediyen̄di mede u lahutak, adi yadi me'walañ mede hogok mu lahutak. Mokon̄. Adi yadi Bepañ Un̄goniñ Munabuliñiñ hamulak, adi'walañ medeniñ maan lahutak.

Hidi welekubugon̄ hatiña titiñ momoon̄ fafañe tiña tiyaneen̄

⁹ Metam hekinolit hatiña welesilon̄ titiñdok won̄ adi agañ Bepañ ne hanihehitubu-didimeguk. Undun̄ doktiña indi mede wendok kotigon̄ mu youhamnim. ¹⁰ Tiña notniye, hidi metam kayon̄bop tigiñ hogohogok Masedoniya kwetnen̄ hatiñ u welesilon̄ tiyemdapmain̄, ala indi titiñhik u tomboyoola undugon̄ titaudok wendok haniñkilitiyam.

¹¹ Indi koom mede indin̄ niñ haniñgumun: “Hidi kulemangon̄ hatiñila hide'walañ kohohikdi kwanai tiña iithik kaulidokoyaneen̄.” ¹² Undun̄ tiña hidi nemek niñdok baniñ nemu tineen̄, kan̄ metam kayon̄bop mu tigiñ ginen̄ hatiñ hekidi titiñhik u kan̄ nadifoune momoon̄ tibaak.

Jesu busuwaune nemek mintawaak dinin̄ mede

¹³ Notniye, hidi tiyaugene metam kumun̄ tigiñ hekidok nadigiyondaan̄ me hatihati fafañeniñ dinin̄ pilapilat wondok nadikunakunale mu tiin̄ hekidi tiin̄ undun̄ tiña kobulabulayeen̄ bulaningon̄ kisan̄ hinek tineenen̄ doktiña haninene nadinen̄. ¹⁴ Indi Jesudi kumuña kotigon̄ kaikaan̄ pilakuk u agañ nadisukilitiyam. Undun̄ doktiña indi agañ nadiyam. Jesu'walañ saniniñiñ ginen̄ Bepañdi metam kayon̄bop agañ

kumungin u yehitubu-kaikaune pilali Jesu dut kotigon buneen.

¹⁵ Indi Wapum'walaŋ mede indin hanihautayam. Wapumdi kotigon baak nai unanin metam hatihatihinit kaipmun hatineem indi me kumuhi talitimen mu tiyeminŋa uneem. Mokon. ¹⁶ Bepandi mede sanininŋit yobune anelo heki'walaŋ talitimenhikdi kuti tubune Bepaŋ'walaŋ baidi mede tobaak. Kaŋ Wapum adi kunum bikabuŋa fowaak, kaŋ metam Jesu Kilisto nadisukilitiminŋa kumungin heki adi yadi timentimen pilatneen. ¹⁷ Nai unanin metam hatihatihinit kaipmun hatiyam, indi pilap hinek ninigilune metam adigut mulukwan ginen nongon loneem, loon Wapum gut kimindep tineem. Undun tinŋa adigut hatineem dapmandapmanŋit mokit. ¹⁸ Ale hidi maan Bepaŋ'walaŋ metam yehitubu-kilitinŋa mede i yenihautaune nadineen.

5

Jesu kotigon baak dinin mede

¹ Notniye, indi nemek u melenai be mangon nai folon hinek mintaneen wendok adi nemu youla haninim. ² Hide-ku agaŋ nadiin. Wapum'walaŋ nai adi kubomedi timin biin wondok tuwolit tobogon busuwawaak. ³ Kaŋ metam adi indin yoneen, "Nai yon adi nai momoon hinek. Doktinŋa kedem hatiyam." Kaŋ nai unanin nemek yehitubu-kadakadok wendi adi tamwoi mihi-welehinitdi wapmihi yahanedok folofigita nadiin

wondok tuwolit pilap hinek mintayembaak. Kan nemek wendi adi tuwot mu yehikalakapmewaak.

⁴ Ingon notniye, hidi mambip ginen be hatiin doktiŋa Wapum'walaŋ bubunin naidi kubome nabugon busuwahambune boho tineen? U mokon. ⁵ Hidi hogohogok adi hauta tiŋa mele dinin me. Indi adi timin gut mambip dinin mebop mon. ⁶ Undun doktiŋa tiyagene me noli damo deihatneemnen ala. Adi tobonin daunik diwehautaŋ nadinadinikdi maŋ nadidakale tiyaneem.

Wapum baak nai mu nadiin doktiŋa wendok fook tiyaneen

⁷ Indi a nadiyam, me damo dahatiin heki adi yadi timin damo deikin. En me ime fafaŋenin naŋ nadibubuye tiin heki adi yadi timin ime fafaŋenin naŋ nadibubuye tiin. ⁸ Ingon me hadapmo dinin mebop indi adi nadidakalehi-naka titindok. Indi adi Bepaŋ nadisukilitimin-dok titin en metam noli yabukahilekahiledok titin unak mongokaneem. Titin wendi mik dinin dahidahi fafaŋen wondok tuwolit tubune dahiya-neem. Tiŋa Bepaŋdi kotigon ninigitdok woom hatihati, wendi mik kulun fafaŋenin wondok tuwolit tubune mokoyaneem. Undun tiŋa fafaŋen yali fook titindok. ⁹ Bepaŋ adi kwihitaŋin indi folon lolondok yon mu nibukahileguk. Mokon. Adi tobonin Wapumnik Jesu Kilistodi kotigon ninigitdok yon nibukahileguk. ¹⁰ Jesu adi indi nihitubu-lodadok yon kumunguk. Undun doktiŋa indi kaipmun hatineem be kumuneem, ingon adigut hatihatihinit kaipmun hatineem.

¹¹ Unduŋ doktiŋa hidi kubugoŋkubugoŋ hinekdi kobuk hide tiin unduŋ tiŋale kitubuloda tiŋa kiulihi tiyaneen.

Poldi mede yenin kilitidapmaan yenin kahan tuguk

¹² Notniye, indi indin haniyam. Hidi me hehitubu-loda tiin heki u gikingon tiyemiŋa hebehik ginen hatiyaneen. Adi Wapumdi tal-itimenhiye yapmeguk, kan adi titinhik tubu-didimedok mede haniin. ¹³ Hidi, adi kwanai u tiin wendok nadisuŋa welemomoon nadiyemiŋa yabukahile hinek taneen. Unduŋ tiŋa welekubugon tiŋa hatiyaneen.

¹⁴ Notniye, indi mede nin indin haniŋgigineyam. Hidi me hogok hatifit tiŋa hatiliweliwen tiin heki'walaŋ hatihatihik u yehitubu-didimeneen en me simintahi nadibedi be meka namandap hatiin u yehitubu-kilitineen tiŋa me gweheyehi u yehitubu-lodaneen. Unduŋ tiŋa metam hogohogok wanakan kuleman kuleman tiyemaneen.

¹⁵ Adi titin kadakanin nobu tihambune kan hidibo kibibo kadakanin tiyemneenen ala kikadoko tiyaneen. Hidi adi helemahelemaŋ Bepaŋ'walaŋ metamniye be metam noli hogohogok wanakan titin kedom hogok tiyemaneen.

¹⁶ Hidi helemahelemaŋ nadifo taneen, ¹⁷ tiŋa helemahelemaŋ ninadi kwanai taneen. ¹⁸ Nemek nin mintahamuluwaak inŋon fiit Bepaŋ welemomoon nadimiŋa niutumba taneen. Bepaŋ adi

metam nediyeñ Kilisto Jesu gut woon galiñ hidi adi titiñ undihigon titiñdok nadihamulak.

¹⁹ Uñgoniñ Munabulidi nemek niñ titiñdok haniñgigine tubune kañ nai uñaniñ hidi kamehep mu timiyaneen, ²⁰ tiña undugon, me niñdi polofet mede hanimbene tubune kañ nadikadaka mu taneen. ²¹ Hidi yadi tobo mede eñ titiñ hogohogok uñak baigon yabukolodi taneen. Unduñ tiña titiñ kedehi u hogok yabukahileen ²² titiñ hogohi hogohogok u biyabu taneen.

²³ Bepañ welekulema molom, adi negon kedem hehitubu-lodaune hatihatihik aditok hogok mindapmaneen. Unduñ tiña hehitubu-lodaune uñgoniñ hogohogok mintadapmaneen. Tiña adi negon munabulihik eñ welehiñ eñ foloohik wanañ kaulidokohamulune Wapumnik Jesu Kilisto kotigon baak nai uñaniñ hidi yomhinit mokit momoon hogok yatneen. ²⁴ Bepañ kutihaniñ tuguk adi yadi mede yoguk wendok tuwot hinek takaliña tilak. Adigon nemek hogohogok u tihambaak.

²⁵ Notniye, hidi Bepañ ninadiune adi kedem nihitubu-lodawaak. ²⁶ Bepañ'walañ metam indi titiñ tiyam u keleen hide kubugon kubugonñdi metam noli gut kohokukut tiña mede momoon kiyonadi tiyaneen.* ²⁷ Nu Wapum namanda folon haniñfafañe tilat. Hidi pepa i Bepañ'walañ metam hogohogok wanakan kunayembune nadi-neen.

* **5:26:** “Bepañ Betnik momoon nibudokolak” be “Bepañdi gehikahanewek” be “Bepañ hidigut hatibek”, mede undihidok nadiña youkuk.

²⁸ Wapumnik Jesu Kilisto'walaŋ siloŋ tobogoŋdi
hidigut haliwoon halaak.

**Bepan'Walan Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanjan (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

217908e9-ce08-5ac3-9947-124c48579a74